



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Benedictio novi putei.

urn:nbn:de:hbz:466:1-41233

laudent. Per eundem Christum Dominum nostrum. *Resp.* Amen.

Deinde dicat :

Benedictio Dei Pa \times tris , & Fi \times lii , & Spiritus \times sancti, descendat in hanc creaturam vini, (potus,) & maneat semper. Amen.

Aspergatur deinde aquâ benedictâ : postmodum porrigatur sive distribuatur ad bibendum , primo quidem Sponsis , deinde aliis Christi fidelibus qui nuptiis intersunt.

In benedictione cerevisiæ, mulsi, alteriusve potus, loco prioris dicat sequentem Orationem:

Domine sancte, Pater omnipotens, æterne Deus ; qui fecisti cælum & terram , & omnia quæ in eis sunt : rogamus te , in nomine Iesu Christi , unigeniti Filii tui , ut sanctificare \times & benedicere \times digneris cerevisiam istam, (potum istum:) sicut benedixisti sex hydrias in Cana Galilææ , ita convertere digneris materiam istam potus , in suavitatem & hilaritatem lætitiæ spiritualis, servis tuis , qui in fide Catholica crediderunt. Per eundem Dominum nostrum Iesum Christum Filium tuum , qui tecum vivit & regnat Et c.

Benedictio novi putei.

Vers. Deus in adiutorium Et c.

Vers.

Vers. Dominus vobiscum. *Resp.* Et cum spiritu tuo.

Oremus.

DEprecamur, Domine, clementiam pietatis tuæ, ut aquam putei hujus, cælesti benedictione ✠ sanctifices, & ad communem vitam, concedas salubrem; & ita ex eo fugare digneris omnem diabolicæ tentationis incursum, ut, quicumque ex eo abhinc hauserit biberitve, vel in quibuslibet necessariis usibus haustâ aquâ usus fuerit, totius virtutis ac sanitatis dulcedine perfruatur; ut tibi semper sanctificatori, omnium Domino, gratias agere mereatur. Per Dominum nostrum. *Resp.* Amen.

Demum aspergit puteum aquâ benedictâ.

*Benedictio Tabernaculi pro conservanda
sacra Eucharistia.*

Vers. Deus in adjutorium &c. Gloria Patri &c.

Vers. Dominus vobiscum. *Resp.* Et cum spiritu tuo.

Oremus.

OMnipotens sempiterne Deus, majestatem tuam supplices deprecamur; ut vasculum hoc, pro corpore Filii tui, Domini nostri